



Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry of Economy**

Broj: 07-05-21-12553-5/20  
Sarajevo, 06.07.2020. godine

**SKUPŠTINA KANTONA SARAJEVO**  
**SLUŽBA ZA SKUPŠTINSKE POSLOVE**  
-ovdje-

**PREDMET: Odgovor na zastupničku inicijativu, dostavlja se.**

Na 21. Radnoj sjednici Skupštine Kantona Sarajevo, održanoj dana 25.02.2020. godine i na 25. Radnoj sjednici Skupštine Kantona Sarajevo održanoj 18.05.2020. godine u okviru tačke Dnevnog reda "Poslanička pitanja, inicijative i odgovori", zastupnica Vildana Bešlija, pokrenula je zastupničku inicijativu koja glasi: "**Za hitnu izradu i usvajanje odluka o zaštiti izvorišta, načina određivanja zona sanitarne zaštite i mjera zaštite izvorišta vode u Kantonu Sarajevo i programa mjera otkupa zemljišta u prvoj vodozaštitnoj zoni radi ograđivanja cjelokupne zaštitne zone**"

**Odgovor na inicijativu:**

Komisija je završila s radom i pripremila *Nacrt Privremene odluke o zaštiti izvorišta vode za piće „Sarajevsko polje“* koja se odnosi samo na područje Kantona Sarajevo i Privremena odluka je spremna za dalju proceduru.

Imajući u vidu složenost i važnost zaštite izvorišta vode za piće u Sarajevskom polju, Ministarstvo privrede planira da Komisija koja je pripremila *Nacrt Privremene odluke o zaštiti izvorišta vode za piće „Sarajevsko polje“*, izvrši njenu prezentaciju Vladi Kantona Sarajevo, kako bi se ista upoznala sa svim detaljima koji se odnose na obuhvat, mjere zaštite, zabrane i finansijske obaveze koje predviđa predloženi Nacrt Privremene Odluke. Razlozi za prezentaciju su ti što su granice obuhvata postojeće važeće Odluke iz 1987. godine mnogo šire od granica koje se predlažu Privremenom Odlukom, jer su granice Privremene odluke određene na osnovu važećeg "*Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva („Službene novine Federacije Bosne i Hercegovine“, broj: 88/12)*", a važeći Pravilnik svojim odredbama u velikoj mjeri skraćuje zone sanitarne zaštite. Skraćenje zona samo po sebi predstavlja problem prilikom provođenja mjera zaštite te stvaranje ozbiljnih pretpostavki za trajnu uzurpaciju šticeenog područja te stvaranje osnova za promjenu namjene sada šticeenog vodozaštitnog prostora u obuhvatu zona sanitarne zaštite.

Stručna Komisija koja je pripremila Nacrt Privremene odluke je imajući u vidu sve okolnosti i potrebe za vodom Kantona Sarajevo u svom Izvještaju o radu dala smjernice zaštite te ukazala pored ostalih problema i na taj problem.



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1



Uzimajući u obzir metodologiju na osnovu koje se utvrđuju obuhvati granica zona sanitarne zaštite, na čiji obuhvat i veličinu direktno utiče količina vode koja se crpi iz izvorišta te povećanjem crpljenja količina vode shodno zakonima hidraulike kretanja podzemnih voda, povećava se i prostorni obuhvat granica. Poznato Vam je da su potrebe za vodom u Kantonu Sarajevo sve veće.

Nakon prezentacije Nacrta Privremene odluke Vladi Kantona Sarajevo i nakon datih smjernica nastavit će se sa aktivnostima na njenom usvajanju. Nakon usvajanja navedene odluke mogu se pokrenuti aktivnosti na otkupu zemljišta kao i sve druge aktivnosti koje su predviđene u mjerama zaštite.

Dok se Privremena Odluka ne usvoji napominjemo Vas da je na snazi Odluka o zaštiti izvorišta vode za piće u Sarajevskom polju („Službene novine Grada Sarajeva“, broj 2/87) i iste se treba striktno pridržavati, a upravitelj zona KJKP "Vodovod i kanalizacija " d.o.o Sarajevo i nadležni inspekcijски organi trebaju preduzimati sve neophodne mjere i zakonom data ovlaštenja u cilju zaštite granica zona i kvaliteta vode u izvorištima.

Također općinski, kantonalni i federalni organi dužni su kod izdavanja urbanističkih saglasnosti i odobrenja za građenje kao i kod izrade prostorno-planske dokumentacije pridržavati se važećih granica definiranih u Odluci o zaštiti izvorišta vode za piće u Sarajevskom polju („Službene novine Grada Sarajeva“, broj 2/87).

**MINISTAR**

**Draško Jeličić, dipl. ecc.**

Dostavljeno:

- Skupštini Kantona Sarajevo,
- Vladi Kantona Sarajevo,
- a/a.



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1

